



Ufschteuerli si gfrogt

2020-04-05 / Fritz Scheidegger

Zfriede dueni uf em Baukon s prächtige Wätter gniesse und zrings um mi ume düe d Fruehligsblüemli spriesse. Ou wenn i wäge CORONA meischtens dehei ha z blibe, probiereni mit Verschiedenschem mi Zyt düre z trybe.

Die jetzigi bsungeri Situation isch für üs so sepeeparat, me het sech uszrichte, es isch anders i dere hütige Art. Aui si ganz diräckt derfo betroffe und hei sech azpasse, mit em Härenäh und em Umgang isch nid z gschpasse.

Aus Optimischt läbeni zum guete Glück i der Gägewart, lo s Geschterige lo si u nime s Mornderige gwüss apart. Ig fühle mi do haut gäng so wienes im Momänt eso isch, nimes glasse - wie s chunnt und vor mer lyt uf em Tisch.

Mit Vertroue und gueter Zueversicht gohni d Zuekunft a, meine es sig würklech s Beschte was me jetz eso cha ha. Goh nume flott vorwärts, blibe möglechscht mi säuber, ha mi usgrichtet mi do zrächtzfinge i mine Läbes-Fäuder.